



# Reglament per diever da stabiliments communalis

per la vischnaunca Lumnezia

Approbau ils 24-03-2014  
Revediu ils 08-06-2015  
Revidiu ils 05-07-2021  
Revidiu ils 08-04-2024

## Cuntegn

I.	En general	3
Art. 1	Equalitad dallas schlatteinas	3
Art. 2	Principi	3
Art. 3	Diever	3
Art. 4	Dispeta	3
II.	Organisaziun	3
Art. 5	Survigilanza	3
Art. 6	Reservaziun	3
Art. 7	Damonda	3
Art. 8	Lubientscha	4
Art. 9	Survetsch d'uorden	4
Art. 10	Clavs	4
Art. 11	Fimar	4
Art. 12	Diever da requisits ed urdeins	4
III.	Diever regular	4
Art. 13	Limitaziun dil temps da diever	4
Art. 14	Calzers	4
IV.	Diever sporadic	5
Art. 15	Surdada e surprida dils stabiliments	5
Art. 16	Mobilier e tribuna	5
Art. 17	Schubergiar	5
Art. 18	Arranschament cun uustria	5
Art. 19	Limitaziun da notg	5
Art. 20	Limitaziun da parcar	5
V.	Taxas	5
Art. 21	Taxas	5
Art. 22	Deliberaziun	5
Art. 23	Excepziuns	5
VI.	Disposiziuns finalas	6
Art. 24	Responsablidad	6
Art. 25	Disposiziuns penelas	6
Art. 26	Vigur	6
<b>Aschuntas</b>		
	Gliesta da stabiliments publics	7
	Taxas	7

## Reglament pil diever da stabiliments communalis

dils 24-03-2014

---

La suprastanza communalis,

sebasond sin art. 3 dalla Constituziun dalla vischnaunca Lumnezia dils 23 da settember 2012 (stan dils 24-11-2019),

concluda:

### I. En general

Art. 1 Equalitad dallas schlatteinas

Denominaziuns da persunas, funcziuns e professiuns en quest regulativ serefereschan ad omisduas schlatteinas aschilunsch ch'ei resulta buc enzatgei auter ord il senn dil reglament.

Art. 2 Principi

<sup>1</sup> La vischnaunca sco proprietaria metta a disposiziun sia infrastruttura da localitads, diversas apparaturas ed inventari sco era plazzas da giugs, plazzas da sport e recreaziun en favur dil beinstar dalla communitad.

<sup>2</sup> Scadina uniun ni gruppaziun locala che promova la cultura, il sport ni il beinstar social, sa far diever da quella purschida. Vinavon stattan ils stabiliments a disposiziun per arranschaments da privats sco divertiments, fiastas, exposiziuns ed autras activitads.

Art. 3 Diever

<sup>1</sup> Els loghens cun instrucziun da scola surveschan las stanzas da scola sulettamein al diever d'instrucziun. Lubientschas per excepziuns stattan en cumpetenzia dil cussegl da scola.

<sup>2</sup> Tier l'occupaziun dallas localitads e tuts ulteriurs stabiliments han sesents en vischnaunca la preferenza. Enteifer ils vischinadis han las uniuns e gruppaziuns d'interess localas la preferenza.

<sup>3</sup> La prioritad dil diever resta resalvada alla vischnaunca.

Art. 4 Dispeta

En cass da dispeta decida la suprastanza communalis.

### II. Organisaziun

Art. 5 Survigilonza

Il cau dil departament responsabel ha la survigilonza suprema dils stabiliments. El exequescha l'incumbensa en collaboraziun cun ils pedels.

Art. 6 Reservaziun

L'administraziun communalis rimna annualmein ils giavischs per reservaziuns dallas scolas e dallas uniuns e procura per la publicaziun dallas reservaziuns.

Art. 7 Damonda

a) Pil diever regular dils stabiliments ei l'annunzia da tschentar sin l'entschatta digl onn da scola cun surdar ina gliesta corrispudenta all'administraziun communalis ni cun impurtar sin la

gliesta da reservaziuns online. Midadas ein da comunicar ladinamein all'administraziun communal ni da registrar online.

- b) Pil diever sporadic dils stabiliments ei l'annunzia da tschentar aschi baul sco pusseivel, denton sil pli tard 1 meins avon l'occorrenza cun il formular ufficial ni cun impurtar sin la gliesta da reservaziuns online.
- c) Tier damondas a cuort termin ei l'administraziun communal autorisada da conceder lubientschas.

#### Art. 8 Lubientscha

<sup>1</sup> La lubientscha ordinaria per diever regular vegn concedida mintgamai per in onn. Ella sa vegnir colligiada cun cundiziuns specialas. Ei exista negin dretg d'usit per renovar termins dad in onn a l'auter.

<sup>2</sup> Las lubientschas per diever sporadic succedan per in temps limitau.

#### Art. 9 Survetsch d'uorden

Il responsabels dall'uniun ni gruppaziun ed ils organisateurs d'occorrenzas ein obligai da procurar per uorden e survegilar in diever raschuneivel. Els han da definir ina persuna responsabla. Suenter exercezis ed arranschaments ei tut il mobiliar ed uorden duvrau da rugalar naven. Ils pedels fan controllas periodicas ed annunzian maldievers all'administraziun communal.

#### Art. 10 Clavs

<sup>1</sup> Mintga uniun ni gruppaziun ha il dretg da retrer ina clav per la localitad corrispudenta. Il responsabels dall'uniun ni gruppaziun han l'incumbensa d'arver e serrar las localitads.

<sup>2</sup> La clav ei da retrer dall'administraziun communal e da returnar cun la terminaziun dil diever ni tier midadas dalla persuna responsabla. Ella astga buca vegnir surdada vinavon a successurs ni a tiarzas personas.

#### Art. 11 Fimar

Cun excepziun dallas zonas da fimar vala in scamond da fimar general.

#### Art. 12 Diever da requisits ed urdeins

<sup>1</sup> Requisites movibels, mobiliar ed urdeins da gimnastica astgan buca vegnir runai sur il plantschius. Aschilunsch ch'indrezs per tals transports existan ein quels da duvrar, autramein ston ils utensils vegnir alzai entuorn senza ch'ei detti nodas ni sgreffels.

<sup>2</sup> Urdeins da gimnastica e mobiliar dallas hallas astgan buca vegnir duvrai el liber e sin plazzas da giug. Davart excepziuns decida il cau dil departament responsabel.

### III. Diever regular

#### Art. 13 Limitaziun dil temps da diever

<sup>1</sup> Per in diever regular stattan ils stabiliments a disposiziun sur igl entir onn entochen las 22.00 uras. Las localitads ed ils plazzs ein da bandunar sil pli tard mes'ura suenter il diever.

<sup>2</sup> Els loghens cun menaschi da scola restan las localitads serradas per il diever regular durant 2 jamnas dallas vacanzas da stad.

#### Art. 14 Calzers

Per activitads da sport en las hallas astga vegnir purtau sulettamein pantoflas da gimnastica che fan neginas sdremas neras sil plantschius. Medemamein astgan calzers che vegnan purtai el liber buca vegnir duvrai en las hallas.

## IV. Diever sporadic

### Art. 15 Surdada e surprida dils stabiliments

Il pedel surdat agl organisatur dall'occurrenza ils stabiliments cun igl inventari reservau. Suenten l'occurrenza ein ils stabiliments ed igl inventari da surdar anavos al pedel entras il responsabel dall'occurrenza.

### Art. 16 Mobiliar e tribuna

<sup>1</sup> Igl organisatur ei sez responsabels per endrizzar ils stabiliments e per rugalar naven. Las lavurs han da succeder tenor ordinaziun dil pedel.

<sup>2</sup> Ils indrezs technics astgan vegnir manischai sulettamein d'ina persuna cumpetenta.

### Art. 17 Schubergiar

<sup>1</sup> Tuttas localitads duvradas inclus tualettas ed igl areal d'access ein da schubergiar da grop. Cuschinas ni offices e tut igl inventari ein da schubergiar da rudien. Il pedel metta a disposiziun il material da schubergiar ed instruescha davart l'execuziun dallas lavurs. Ordras dil pedel ein da risguardar cumpleinamein.

<sup>2</sup> Tier lavurs exequidas munglusamein e per lavurs da schubergiar extraordinarias, vegnan ils cuosts adossadai agl organisatur.

### Art. 18 Arranschament cun ustria

<sup>1</sup> Per il menaschi d'ustria basegna ei ina lubientscha tenor la lescha d'ustria dalla vischnaunca Lumnezia.

<sup>2</sup> Las immissiuns da canera e las prescripziuns da segirtad sedrezzan tenor las leschas surordinadas.

### Art. 19 Limitaziun da notg

Occurrenzas durant il temps da ruaus ein da terminar sil pli tard allas 4.00 uras.

### Art. 20 Limitaziun da parcar

Sin ils plazs da giugs e sport vala in scamond da carrar e parcar per vehichels a motor. Il cau dil departament responsabel ei autorisau da conceder lubientschas excepziunalas.

## V. Taxas

### Art. 21 Taxas

Las taxas per il diever dils stabiliments vegnan fixadas dalla suprastonza communal en in'annexa. Sco indigenas valan tuttas uniuns e gruppaziuns cun la plipart da commembers domiciliai en la vischnaunca Lumnezia. Uniuns e gruppaziuns d'ordeifer pagan las taxas per jasters.

### Art. 22 Deliberaziun

Negina taxa da diever pagan

- uniuns e gruppaziuns indigenas per igl agen diever cun excepziun d'arranschaments cun menaschi d'ustria commercial
- Occurrenzas cun caracter social ni politic senza intents commercials
- Seras famigliaras dalla scola els vischinadis

### Art. 23 Excepziuns

La suprastonza communal sa conceder excepziuns.

## VI. Disposiziuns finalas

### Art. 24 Responsabladad

<sup>1</sup> La vischnaunca Lumnezia refusescha scadina responsabladad envers personas che fan diever dils stabiliments communalas.

<sup>2</sup> Igl organisatur ei responsabels per tuts donns caschunai vid baghetgs, indrezs, mobillas, requisits ed instruments entras tiarzas personas. Donns ni munconzas digl inventari vegnan protocolai e ston vegnir indemnissai digl organisatur.

<sup>3</sup> La suprastonza communal sa pretender digl organisatur ina segirada da responsabladad, garanzia ni cauziun. Plinavon sa in survetsch da segirtad vegnir obligaus.

### Art. 25 Disposiziuns penalas

<sup>1</sup> Als utilisaders che setegnan buca vid igl uorden e las ordinaziuns dalla suprastonza ni personas delegadas dalla vischnaunca san ulteriuras damondas per diever vegnir renviadas.

<sup>2</sup> Encunter decisiuns ni disposiziuns dalla suprastonza communal sa ei vegnir recurriu enteifer 30 dis alla dertgira administrativa dil cantun Grischun.

### Art. 26 Vigur

La revisiun da quest reglament entra en vigur cull'approbaziun entras la suprastonza communal.

Approbau dalla suprastonza communal Lumnezia a caschun dalla sesida dils 24-03-2014 e revediu a caschun dalla sesida dils 08-06-2015, dils 05-07-2021, resp. dils 08 d'avrel 2024.

Il president communal:

Daniel Solèr



L'actuara

Silvana Caviezel

## Annexa

Gliesta da stabiliments publics tenor indicaziuns silla-pagina d'internet dalla vischnaunca Lumnezia: [www.lumnezia.ch/rm/spurtegl-virtual/reservaziun-localitads](http://www.lumnezia.ch/rm/spurtegl-virtual/reservaziun-localitads).

### Taxas

#### Diever regular

- Emprovas, exerchezis, trenaments**

	Indigens	Jasters
	<i>Tariffa annuala</i>	
Hallas	CHF 0	CHF 400
Aulas / salas pintgas	CHF 0	CHF 200
Duschas	CHF 0	CHF 100
Plaz da sport/giugs	CHF 0	sin damonda

- Cuors, activitads da sport cun intents commercials**

	<i>Tariffa per di</i>	
Hallas	CHF 20	CHF 50
Aulas / salas pintgas	CHF 10	CHF 25
Plaz da sport/giugs	CHF 20	CHF 50

Tier diever intensiv fixescha la suprastanza communal individualmein la taxa.

#### Diever sporadic

- Sesidas, radunonzas, discussiuns, informaziuns d'uniuns ni gruppaziuns**

	<i>Tariffa per occurrenza</i>	
Hallas	CHF 0	CHF 200
Aulas / salas pintgas	CHF 0	CHF 100

- Arranschaments cun intents commercials ed occurrenzas da privats**

	<i>Tariffa per occurrenza</i>	
Halla Vella	CHF 200	CHF 500
Halla Degen, Cuschnaus, Vignogn	} incl. foyers/locals da preparaziun	CHF 150
Halla Vrin, Lumbrein, Suraua		CHF 100
Aulas / salas pintgas / stanzas / foyers (incl. center Cumbel)	CHF 80	CHF 200
Cuschina / office	CHF 50	CHF 50
Tribuna / indrez tecnic da standard	CHF 30	CHF 30
Duschas	CHF 50	CHF 50
Pasts da bara	CHF 0	CHF 0

Per mintga mutaziun vegn quintada ina taxa da CHF 30 (sch'il termin vegn stuschaus, la reservaziun vegn annullada e la localitad vegn buca duvrada (termins da reserva), era per occurrenzas nua ch'ei vegn applicau la tariffa nulla tenor survesta da taxas sura).

Las localitads ein da schar anavos scuadas ed en bien uorden. Eventual rumien, butteglia vitas, etc. ei da dismetter entras ils utilisaders dalla localitad e quei els loghens adattai tenor lasindicaziuns silla pagina d'internet dalla vischnaunca Lumnezia: <https://www.lumnezia.ch/rm/vischnaunca/habitar/rumians>.

Ei vegn tschentau quen suenter il termin dall'occurrenza.

Tier lavurs exequidas munglusamein vegnan ils cuosts per lavurs da schubergiar extraordinarias e lavurs supplementaras dils pedels, sco era per evt. dismessa da rumians tschentai a quen tenor la suandonta survesta da taxas:

## Taxas supplementaras

Agid dils pedels (metter ora measas e sutga, endrizzar)	<i>tariffa per ura</i>	CHF 65	CHF 65
Lavurs da schubergiar extraordinarias	<i>tariffa per ura</i>	CHF 65	CHF 65
Dismessa da rumians restai anavos		tenor cuosts effectivs	
Mobiliar da fiastas el liber	<i>tariffa per garnitura</i>	CHF 0	CHF 5
Parcadi privat Cuschnaus	<i>tariffa per occurrenza</i>	CHF 150	CHF 150
Apparaturas ed indrezs technics (beamer, microfons, glisch speciala, etc.)	<i>tariffa per occurrenza</i>		sin damonda
Equipament da musica (clavazins, etc.)	<i>tariffa per occurrenza</i>		sin damonda

Per occurrenzas che la vischnaunca Lumnezia ei sezza organisatura vegn buca scuntrau quen (p.ex. radunonzas communalas, informaziuns davart projects dalla vischnaunca).